



Broj:05-05-24938/18 III MG  
Sarajevo,17.07.2018.godine

## SKUPŠTINA KANTONA SARAJEVO

- OVDJE -

n/r Ana Babić, predsjedateljica

**PREDMET:** Dostava odgovora na zastupničko pitanje

Zastupnik Elvedin Okerić, na 43. Radnoj sjednici Skupštine Kantona Sarajevo, održanoj dana 25.06.2018.godine, u okviru tačke dnevnog reda „Poslanička pitanja, inicijative i odgovori“, a u skladu sa Poslovníkom Skupštine Kantona Sarajevo, postavio je zastupničko pitanje „vezano za zabranu JKP „Rad“ za odlaganje tečnog otpada animalnog porijekla na deponiji Smiljevići“.

### PITANJE:

„Da li je tačno da ste zabranili JKP „Rad“ odlaganje tečnog otpada animalnog porijekla na deponiji Smiljevići, a da prije toga niti ovo niti bilo koje drugo ministarstvo u FBiH nije izdalo dozvolu operateru sistema za upravljanje ovom vrstom otpada?“

Da li je tačno da su se u vezi rješavanja ovog pitanja već obraćali ozbiljni privrednici, te da im niste mogli dati ime niti jednog operatera sistema koji zbrinjava ovu vrstu otpada?“

Molim da mi dostavite informaciju o operateru/operaterima kojem je ovo ministarstvo izdalo dozvolu za zbrinjavanje ove vrste otpada?“

### Obrazloženje:

Ministarstvo prostornog uređenja, građenja i zaštite okoliša Kantona Sarajevo je svojim rješenjem zabranilo JKP „Rad“ odlaganje tečnog otpada animalnog porijekla na deponiji Smiljevići, koje se odlagalo na deponiji godinama. Ovo ministarstvo je bilo dužno da zajedno sa ostalim organima stvori preduslove za rad operatera sistema, kojim je trebalo izdati dozvolu za zbrinjavanje ove vrste otpada pa tek onda ići sa represivnim mjerama i zabranama u cilju da se svi privredni subjekti natjeraju da uđu u sistem.

Na ovakav način zabranama bez stvaranja uslova i bez odgovora gdje će se zbrinjavati ova vrsta otpada proizvođača koji zapošljavaju stotine radnika i pune budžete sa milionskim iznosima su dovedeni u situaciju da država s jedne strane nije obezbijedila uslove, a s druge strane stavlja zabrane, čime su ozbiljne firme dovedene u situaciju da zatvaraju svoje proizvodne pogone.



## ODGOVOR:

Zakonom o upravljanju otpadom F BiH („Službene novine F BiH“ br. 33/03, 72/09 i 92/17), definisano je, da se otpad animalnog porijekla svrstava u posebne kategorije otpada, za koje je predviđeno donošenje posebnih propisa kojim će se bliže urediti ova materija, pa i način i procedure davanja dozvola operaterima sistema, do kraja 2018.godine. S druge strane, Zakonom o veterinarstvu F BiH („Službene novine F BiH“ broj 46/00) i Zakonom o veterinarstvu BiH (Službeni glasnik BiH“ broj 34/02) su, pored obaveza pravnih i fizičkih lica koja se bave djelatnošću u kojoj nastaje životinjski otpad, propisane i obaveze organa nadležnih za poslove veterinarstva, kao što je osiguranje postrojenja za tretman ove vrste otpada.

Što se tiče izdavanja dozvola, ovo Ministarstvo, shodno članu 13. Zakona o upravljanju otpadom F BiH, nije izdalo nijednu dozvolu za zbrinjavanje tečnog otpada životinjskog porijekla, prema kategorijama koje su date Pravilnikom o kategorijama otpada sa listama („Službene novine F BiH“ broj 9/05). U skladu sa Zakonom o upravljanju otpadom F BiH, nadležnost u oblasti upravljanja otpadom je podijeljena na Federaciju i kantone, tako da ovo Ministarstvo nema službenu evidenciju o izdatim dozvolama u drugim kantonima ili na području BiH, te uvijek stranke upućuje da se obrate Federalnom ministarstvu okoliša i turizma ili direktno kantonima, u tu svrhu.

Podsjećamo, KJKP „Rad“ je u skladu sa Zakonom o komunalnoj čistoći („Službene novine Kantona Sarajevo“ br. 14/16, 43/16 i 19/17) nadležan za prikupljanje, odvoz i deponovanje čvrstog komunalnog otpada, koji nastaje u kućanstvima i poslovnim djelatnostima. Takođe, u skladu sa Zakonom o upravljanju otpadom F BiH, ovo Ministarstvo je izdalo KJKP „Rad“ dozvolu za upravljanje otpadom broj 05-23-29661/12 od 29.05.2014.godine, kojom je, između ostalog, zabranjeno odlaganje tečnog otpada. Naime, odlaganje tečnog otpada je ne samo suprotno EU propisima i domaćim propisima o odlagalištima, nego je štetno za stabilnost deponije i kompletnu izgrađenu infrastrukturu, a posebno sistem prikupljanja, odvodnje i tretmana procjernih voda.

U tom smislu, na deponiji Smiljevići nikad nije bilo odobreno odlaganje tečnog otpada. Jedini izuzetak tiče se preduzeća Argeta d.o.o. Sarajevo, kojem je kroz Okolinsku dozvolu izdatu 26.11.2015.godine privremeno prihvaćeno odlaganje flotata u želatinoznom stanju (mulj od obrade efluenta) i istovremeno naloženo da moraju hitno iznaći adekvatno rješenje zbrinjavanja otpada putem firmi, koje imaju izdate dozvole za tretman ove vrste otpada.

Napominjemo, članom 24. Zakona o upravljanju otpadom F BiH je definisano da su proizvođač i vlasnik otpada dužni skupljati, brinuti se o ponovnom korištenju i reciklaži ili odlaganju otpada koji je produkovan zbog njihovih aktivnosti ili otpada kojeg posjeduju.

Dakle, s obzirom da se radi o posebnoj kategoriji otpada, prema strateškim dokumentima Federacije BiH i Kantona Sarajevo (Federalni plan upravljanja otpadom i Kantonalni plan upravljanja otpadom), nije predviđena obaveza, kao što se implicira u predmetnom pitanju, da kantoni grade infrastrukturu za različite vrste tehnološkog otpada, koji nastaje u industrijskim procesima, imajući u vidu troškove i održivost ovakvih investicija. Iz tog razloga, Kanton se ne može smatrati odgovornim za zbrinjavanje svih vrsta otpada, jer je vlasnik otpada dužan da preduzme sve mjere i iznađe modalitete zbrinjavanja otpada na okolišno prihvatljiv način.

Ovim povodom, ističemo da je Vlada Kantona Sarajevo donijela Program sanacije deponije Smiljevići za period 2016-2020.godina, kroz čiju je pripremu konstatovano, da se u funkciji uspostave prečišćavanja procjernih voda mora zabraniti odlaganje svih kategorija otpada, koji ne



web: <http://mpz.ks.gov.ba>  
e-mail: [mpz@mpz.ks.gov.ba](mailto:mpz@mpz.ks.gov.ba)  
Tel: + 387 (0) 33 562-029, Fax: + 387 (0) 33 562-031  
Sarajevo, Reisa Džemaludina Čauševića 1



spadaju u komunalni otpad. Zabrana, koja još nije u cjelosti stupila na snagu, se posebno odnosi na otpad animalnog porijekla, koji sadrži organske masnoće, a koje uništavaju i sistem deponijskih voda, ali i plinsku infrastrukturu.

S ciljem iznalaženja prelaznih rješenja, dok se ne izgradi infrastruktura shodno Strategiji urađenoj prema EU projektu na nivou BiH, isfinansiran je projekat izrade Registra nusproizvoda i otpada životinjskog porijekla u Kantonu Sarajevo. Cjelovita Informacija pripremljena je za Vladu Kantona Sarajevo, sa čitavim nizom mjera koje treba provesti, a koje uključuju izgradnju novih jama grobnica, nabavku specijalnog vozila za transport otpada i pojačan inspekcijski nadzor. Između ostalog, traži se da, prije odobravanja djelatnosti, firme koje se namjeravaju baviti djelatnostima u kojima se planira proizvoditi animalni otpad, imaju riješen način zbrinjavanja animalnog otpada.

Sušтина svih postupanja je unapređenje, odnosno pretvaranje deponije Smiljevići u Centar za upravljanje otpadom i neutralisanje svih negativnih efekata na okoliš.

S poštovanjem,

**MINISTAR**

**Čedomir Lukić, dipl.ing.arh.**

Obradila: Mira Grgić,  
stručni savjetnik za upravljanje otpadom

Kontrolisala: Zijada Krvavac,  
pomoćnik ministra za zaštitu okoliša

Dostaviti:

- Naslovu
- Stručna služba Vlade (na znanje)
- a/a



web: <http://mpz.ks.gov.ba>  
e-mail: [mpz@mpz.ks.gov.ba](mailto:mpz@mpz.ks.gov.ba)  
Tel: + 387 (0) 33 562-029, Fax: + 387 (0) 33 562-031  
Sarajevo, Reisa Džemaludina Čauševića 1

